

1
豫

章

焚

書

第一三四册

卷一

一

二

三

四

龍雲先生文集卷三十

安成劉弇偉明

疏文

興龍節開啟功德疏文

代洪帥熊伯通待制

右伏以曜靈契夢華渚發祥真人開載誕之期繇宇

協延鴻之望况臣民社分寄章紱榮身生成京本作平靡

侏俾補何京本作宜有雖乾坤之造終始難報而臣子之

願中外則同奉千官京本作歲之觴目斷堯天之雲日考

諸福之物情深周雅之岡陵爰卽梵宮仰祈覺蔭伏

願皇帝陛下鴻名載赫懿鑠於昭一六合以宅中四

三皇而觀妙域躋品庶衣燕

京本作賜

高年無疆惟休永

錫難老占南極之星蓋一旁

京本作宜

增有爛之輝聞

京本

作中嵩之呼者

京本作有

三更協後滋之數臣某等無任

瞻天望聖祝頌激切之至

又

右伏以瓜瓞綿休電虹誕聖龜鼎兆一人之慶葵藿

傾四海之心而臣尸責熙辰饗榮外計範圍所至燭

灌何功雖成物者洪造之難名而愛君者有生之共

願指日下而長安方遠莫奉宸觴詠天保而南山不

忘獨先祺算庀徒開士徼福大

京本作覺

雄伏願皇帝陞

下有截承祧于皇憲極性五帝之仁于堯舜廸四人
之哲于商周星揭老人數超神筴且天地無情于芻
狗補報終難苟雲雨或致于象龍感通斯畢臣某等
無任云云

又代在州官

右伏以甲館延禧流虹誕聖躡獻歲發春之候兆乘

乾出震之休葵藿知傾臣子敢後惟大雄之普覺

京本

作現緬浩劫以播慈載款紺宮仰祈禎

京本作洪算伏願皇

帝陛下庭衢六合步武百王駿惠龐鴻寵綏戴履問
塗而迷七聖後天而凋三光應飛五之龍廣燕謀于

下武探得一之策邁慶祝于華封臣某等無任

云云

又代西衙侍禁

右伏以天命集而前緒光德水清而眞龍降千齡啟
運萬寶延禧況臣身荷寵榮屬聯姻婭雖難報者聖
神之神造而知傾者臣子之葵心爰款覺慈仰祈祺
算伏願皇帝陛下六龍邁震兩作前離隆不拔之丕
基耀無前之懿鑠星輝南極呼契中嵩無疆惟休已
慶京本謳歌之歸啟以莫不庶更資富壽于祝堯臣
作聽
無任 云云

坤成節開啟功德疏文

代熊待制

右伏以洞庭汎而木葉下一氣驚秋黃河清而聖人
生千齡協契啟嬪虞之媿汭兆興夏之塗山天壤蒸
如華夷均慶不有覺慈之祈嚮孰資睿算之麗鴻紛
緇侶以踰洋繹貝文之祇遽翕是百祥之降證茲五
福之先庶期涓埃有補淵嶽伏惟太皇太后陛下素
舒闡教厚地敦方任姒之光大周家德盛而未嘗遭
變馬鄧之維持漢世事叢而纔足解紛非如擁日東
桑回春北陸措洪業于聲氣之弗動廣慈訓于謳歌
之已歸而臣某猥殿外邦適逢令節沐雲天之普施
欣草木之餘生建隼憑熊千里尙留于楚尾獻芹傾

藿三呼敢後于嵩高臣某等無任

云云

又

右伏以萬物順成方應金行之序千齡集慶誕開文
母之祥實惟夷夏之交欣更協神天之來相梵金布
地曲致精嚴貝葉披文戴陳惻歎庶集上聖之善仰
資有永之年伏惟太皇太后陛下德體坤元信膺天
助宮闈正位飭陰教以修明宸扆聽朝散仁恩而覆
露羣生悅豫四海敕監臣某等忝冒王官運逢令節
物難論報但傾懇到之心美必思歸願頌綿延之壽

臣某等無任

云云

又代劉運判

右伏以盛德在金玉宇快涼颺

京本作殿

之入皇天闕聖

璇宮儲慶誕之休元雲布色以通霄

一作宵

太陰騰精

而協夢德均持載歡動幅員惟含齒戴髮方幸于潤

希曾鼓腹擊壤不足以報稱自非款西來之最上何

以佐南山之疾呼載繹貝文肅將蒲饌冀靈長之睿

算茲擁祐于覺慈恭惟太皇太后陛下纘女延鴻倪

天錫美雍容彤管之法度增大軒星之輝光位正六

宮協王

京本作關

睢之詠周妣母儀三世

京本作四海

陋沙麓

之興齊

京本作有

田

京本作商

壽域躋氓樂郊適眾有效珍之

百物無失所之一夫臣某等令節親逢薄躬知幸居
然傾藿空迷魏闕之思迹彼獻芹更效華封之祝臣
某等無任 云云

又 代在州官

右伏以璇玉成宮星娥協金行之應元氣覆戶地維
符火德之祥序屆秋辰天開慶誕擁百靈而篤祐奄
四履以煬和徧款能仁更資有永煥若禪扃之金布
闡然淨侶之雲臻哦貝字于珍函致蒲盂于香積俯
傾葵懇上祝椿齡伏惟太皇太后陛下軒揚飛輝椒
塗抗則負展憑几之隆願託奠枕復盂以冒幅員式

并以嬉旣安且治而又率循嘉祐之故事封越仁祖
之閔休赫然隆名高彼夙古臣等幸緣天與節乃時
逢且清明再造于乾坤雖形容而不得而喜慶預知
于蛛鵲庶感通之可期臣等無任 云云

坤成節啟建功德疏文

代洪帥熊待制

右伏以配文嗣音大姒肇洽陽之福母堯成聖慶都
儲斗野之休候爰屆于清秋節適臨于慶誕觀萬物
之理皆知致養乎坤誦小雅之章敢不思報其上是
用心先傾藿地款布金力資西鷺之覺慈仰祝南山
之睿算伏願太皇太后陛下無疆垂裕俾艾延鴻有

開必先永錫難老清蹕而朝萬寓後天而凋三光擁
介祥祺億寧盛世雖疊疊神明之顯相輔順當然而
區區草木之微生投誠止此臣無任

云云

又代眾官

右伏以雲容入戶一葉應天下之秋玉色復衣萬世
得聖人之遇天地之生成無以報華夷之鼓舞無一作
莫不同方屬葵傾敢祈芹獻上萬歲壽初遠于千官
歸兩足尊莫先于百順伏願太皇太后陛下增光離
照開大震塗未艾延禧無窮申算動星躔之箕翼叢
雅什之岡陵大德之必得其名已逾負古多益而以

莫不庶更祝後天臣某等無任

云云

祝文

代

謁文宣王文

惟天地之大萬物雖知不能報然無不報之萬物也
夫子天地也顧區區薦奠何有哉亦誠而已矣某守
藩之始方徼王之休以芘斯民取王之所以遺後世
而無窮者以詔學者則凡進謁祠下敢不式遵故常
王其肆臨之無替尙饗

謁充國公文

惟公懿言行以開後學時用舍以同聖人視儀上公

以食茲土某守藩之始典禮有在敢不舉以從事是用躬謁祠下庶其臨之尙饗

祭順濟龍王文

夫雲雨固王事也千里赤地凡神而食此土地宜愧之而王未暇及此豈太守咎耶謹用所以當告者待命祠下惟王其利澤斯民毋忽尙饗

祭海神文

維年月日謹以清酌服

京本作庶

脩之奠致祭于大海之

神曰海之在天地間釀百川使下赴且包焉而不拒也初無小大汙潔之辨紛萬族使蕃息冗長而吞吐

蹠蹠乎洞鴻萍瀆之濱也曾美惡之莫予問夫惟萬族也而無所間則宜亦不使一民或失其一作至所

夫惟百川也而無所辨則宜亦不使一方之獨被其

患聞之往歲若實憑怒弗循京本作適厥經漩瀾倒注奔

鯨駭陸鼃龜生釜天吳馬啣蝸蟻陽侯抃手舞歌颺

母抗讎嚇鼉曝鬣千里悉湫斯民噉噉靡所控告彼

膏者壤燿焉如掃豈伊民祀弗將弗虔豈伊沉磔曠

廢厯年若譴若訶靡追斯愆今令之來也實父母斯

民而適繼其後實猥有此土以處而休戚是矣實土

毛生齒之弗靖爲憂實賦輿貫粒之腐敗是疚實維

霖霖懼或沛滂實維墊防未悉完構用廸悃誠將事
許湄碩肥者牲肴羞孔時神若戾止以妥以綏將若
是使往者之汹涌妄行反而爲今茲之利涉安流也
將若是使往者之秘怪騰軒激射濤波反而爲今茲
之儲密宅幽也將若是使往者拔木飛屋不約之怒
號反而爲今茲冷風之疏和氣之游也將若是使往
者霾昏不祥褻噎蔽虧充塞上下反而爲今茲望舒
之夕泛翔陽之朝浮也登餘波于上而揮蘇苗之旱
澤霽澄滴于下而爲

一作列

瑞世之闕休長魚蟲蚶民

食夥稠曷鹵淫夷下滲弗留

京本作宇宙

毋或曩屬摧檣

傾舟毋或潰

京本作潰

齧盪漫民疇毋使鋸牙劍尾乎搖

毒毋使旱魃螟螣乎肆愉毋怠乎其應毋愆乎其求

其毋爽神之貺其毋貽令

京本作神

之羞尙饗

祭王荊公文

代人

噫嗟公平何爲其然乎豈富貴迫而賢有智累乎將

造物者畀付

京本作賦

施予或嗇或賸而羞不可以力騁

乎抑亦靈芝慶雲止爲瑞物而固不免夫翕霍而散

與濯濯而萎者乎且從古以爲難者莫甚于掃不振

之蠱起久仆之痿以與一世期

京本作軼

乎有成而甚者

至使天子快登平之適遭斯民無睟貽之斗駭非守